



Datum objave: 11. 04. 2014 - 14:50

Biljni preparati porodice Paunovski pomažu ljudima preko 40 godina

Biljni preparati Matije Paunovske su poznati širom bivše nam države. Preparati napravljeni isključivo od ljekovitog samoniklog bilja sa područja Hercegovine su postali zaštitni znak porodice Paunovski. Matijin sin Milenko Paunovski se danas bavi ovim poslom, baš kao i njegova cjelokupna porodica.

Milenko Paunovski se, u razgovoru za BrzeVijesti, prisjetio samih početaka prikupljanja ljekovitog bilja koje je započela njegova majka, sada već davne 1971. godine. Kako je istakao, iz najveće ljudske potrebe je nastao brend koji je danas itekako prepoznat.



(Milenko Paunovski)

"Tradicija sakupljanja ljekovitog bilja traje već skoro 150 godina. Međutim, sve do onog trenutka kada se moja majka razbolila 1971. godine, nije se radilo ništa po pitanju ljekovitog bilja. Ona je nakon što je saznala da ima rak, zaključila da joj je spas u ljekovitom bilju", prisjeća se Milenko Paunovski te dodaje kako je njegova majka sama sebi je pravila određene preparate i to je koristila u svojoj terapiji. Krajnji rezultat je bio impresivan.

"Od svih njezinih kolegica koje su također bile oboljele, jedino je ona preživjela. Ona je prvo samu sebe izliječila, a onda je poslije toga vidjela da može i drugima pomagati kroz preparate od ljekovitog bilja. Tako da se od 1971. godine mi bavimo sakupljanjem ljekovitog bilja i pravljenjem preparata od istog. Ja sam uključen od prvog trenutka, a sada i moja djeca učestvuju u ovom poslu", s osmijehom nam kaže sine Matije Paunovske.

Branje ljekovitog bilja na području Hercegovine nije nimalo lagan posao. Biljke rastu u krševitom području i beru se isključivo u ljetnom periodu kada ima i najviše zmija upravo na takvim mjestima.


"Kad se sjetim početaka sakupljanja, prva asocijacija mi je branje kadulje u ljetnom periodu koje u Hercegovini ima u izobilju. Njezino branje je počinjalo oko 4 ujutro, a završavalo je oko 8 sati. Ovaj vremenski interval je bitan jer u ljetnom periodu je mnogo zmija u tim predjelima i da biste ih izbjegli susret s njima, moralo se ići vrlo rano i rano se vratiti kući", kaže naš sagovornik te napominje kako je porodica Paunovski brala kadulju na jednom brdu gdje je trebalo sat vremena uspona.

"Svaki ujed zmije na tom području bi bio koban jer ne biste stigli doći do ljekara. Kad smo se kasnije organizovali, našli smo rješenja i za to. U opremi smo stalno imali serum protiv

zmijskog ujeda i bili smo obučeni kako ga upotrijebiti u slučaju nužde. Srećom, bliskih susreta sa zmijama nismo imali."

Danas porodica Paunovski proizvodi raznorazne čajeve, kreme, kapi i sprejeve za sve vrste bolesti i oboljenja. Kako kaže naš sagovornik, u svom assortimanu imaju za svakoga ponešto. Ipak, zaštitni znak porodice Paunovski je "matijasin". On je zaštićen pod ovim imenom i od njega se razne tinkture i kapi za sve vrste oboljenja.

"Matijasin je nastao sklapanjem riječi 'Matija' i 'sin'. To je ustvari med sa sokom od bilja sa raznim dodacima. Od tih svih matijasina, posebno bih istakao matijasin "Adam" koji je za jačanje cjelokupnog organizma. Pored svih tinktura koje imaju svi matijasini, u "Adam" je dodan polen i propolis. Što se tiče kvalitete, one je definitivno vodeći u našem assortimanu", kaže nam Paunovski.



Svi preparata iz radinosti porodice Paunovski imaju potrebne dozvole i ateste. S te strane je zakonska regulativa maksimalno ispoštovana, a svojim kvalitetom su uspjeli isposlovati dozvolu za izvoz u zemlje Evropske unije.

"Pošto mi posao radimo već 43 godine, sve to vrijeme nastojimo raditi u skladu sa zakonom. Tako smo za sve naše preparate uradili pojedinačne ateste koje smo registrovali na nivou Jugoslavije. Nakon raspada bivše države, nastalo je šest različitih država, a svaka od njih ima svoje zakone i propise koje morate zadovoljiti ukoliko želite izvoziti u tu zemlju. Na tržištu Hrvatske se nalazimo od 2005. godine. S obzirom da je Hrvatska prošle godine postala članica EU, mi smo se morali opet registrirati i proći proceduru kako bismo mogli izvoziti u EU, odnosno Hrvatsku. Mislim, štoviše da smo prvi dobili certifikat za izvoz u EU", s ponosom ističe naš sagovornik.

Razmišljanje ljudi u današnje vrijeme se korjenito razlikuje od stava ljudi iz 70-ih godina kada je porodica Paunovski počela sa prikupljanjem ljekovitog bilja i pripremanjem preparata o njega. Milenko Paunovski se prisjeća mnogobrojnih problema i poteškoća iz tog perioda.

"Danas je drastična razlika u odnosu na 1973. godinu kada smo krenuli sa proizvodnjom ljekovitih pripravaka. Sad je sve umnogome drugačije. U našim počecima, čak je policija znala dolaziti na vrata da nam zabrani to što smo radili. Oni to nisu smatrali medicinom, za njih je jedino konvencionalna medicina bila priznata", dodaje naš sagovornik koji je svjestan da to nije bio adekvatan trenutak za takav poduhvat.

Kako sam kaže, bili su ispred vremena što se tiče ovog segmenta. Kontinuirana borba za protiv predrasuda je bila efektna i ljudi su počeli prihvati ovaj način liječenja bolesti. Porodica Paunovski je već 70-ih imali odobrenje da smo sakupljači i prerađivači ljekovitog bilja, ali to ni približno nije imalo isti efekt kao što danas ima.



"Svijest kod ljudi danas je toliko sazrila da ljudi, kada posjete našu biljnu apoteku, pored redovnih medikamenata kupuju i biljne preparate. Moja je uzrečica 'Zašto čovjek ne bi popio Aspirin sa čajem, umjesto s vodom?", napominje Milenko Paunovski.

Proizvodanja ljekovitih preparata se radi u mostarskom naselju Cim, na adresi Smrčenjaci bb. Tu se nalazi pogon koji je registriran od Ministarstva vanjske trgovine i Ureda za veterinarstvo BiH. Zahvaljujući registraciji kod navedenih institucija, dobivena je i dozvolu za izvoz proizvoda koji izlaze iz tog pogona.

Naš sagovornik je imao ponudu za veleprodaju ljekovitog bilja, ali je kategorički odbio tu mogućnost.

"Ja nisam nikad bio za to. Moj cilj je uvijek bio da taj izvoz bude u obliku gotovog proizvoda. Na ovaj način više novca ostaje u Bosni i Hercegovini. Da smo se opredijelili na veleprodaju ljekovitog bilja, to bi bilo u mnogo manjem obliku."

Proizvodi i njihove palete su dostupni svim njihovim korisnicima na području Bosne i Hercegovine. Kako su nam rekli u biljnoj apoteci, imaju stalno pozive ljudi iz cijele Bosne Hercegovine kojima je potreban neki naš preparat. Nakon narudžbe preparati se brzom poštom šalju na kućnu adresu.

Njihova prodajna jedinica u Sarajevu egzistira već punih 16 godina. Od danas se zvanično nalazi na Ilidži, u sklopu KSC Ilidža.



"Naša biljna apoteka na Ilidži, koja se nalazi u sklopu KSC Ilidža je tek otvorena. Ona je prelijepo uređena što se vidi iz priloženog. Osim toga, ima još 7-8 apoteka na području cijele BiH gdje se prodaju naši proizvodi. Također, na području Hrvatske ima nekoliko apoteka gdje se mogu pronaći naši proizvodi. Određenih naznaka ima i za izvoz u Austriju što bi se uskoro trebalo realizovati, a imamo u ponudi i preparate koji su pravljeni isključivo za tursko tržište. Imamo pozive i iz Srbije, ali tamo još uvijek nismo prisutni. Trenutno su u proceduri izdavanje dozvola i certifikata s kojima ćemo moći ući i na tržište Srbije gdje isto tako vlada veliki interes za našim preparatima."

Najnovije u njihovoј paleti proizvoda je nova linija kozmetičkih proizvoda napravljenih isključivo od ljekovitog bilja. Tu spadaju dnevne i noćne kreme, kreme za depilaciju i kremu za bore. Ovaj najnoviji dodatak je isključivo namijenjen ženama. Svi ostali proizvodi najčešće budu pojačani određenim segmentom što ih razlikuje od prethodnih.

"Ja volim da kažem da svaki preparat koji izađe iz naše radinosti, on je svake godine nečim pojačan. Svake godine se ubaci neka nova tinktura u matijasin, u kapi, sprej. Sada je sve stvar ideja. Od ove godine, zahvaljujući našoj uposlenici Muameri koja je insistirala da se radi nešto po pitanju kozmetike. Ona je željela da se ubaci assortiman proizvoda za žene. Ja do ove godine nisam ni radio kozmetiku. Radili smo maksimalno jednu do dvije kreme, ali ovo je jedna cijela linija proizvoda za žene koji su nastali zahvaljujući njoj koja se uspjela izboriti za ovaj novi segment u našem assortimanu", završio je Milenko Paunovski.